

Powšitkowne WOZJEWJENJA

njedźelu, 27. meje 2018

Kemše na Bože ćelo w Róžeńće

Na swjedženju Božeho ćela, štwórtk, 31. junija, budže w Róžeńčanskej swjatnicy w 19 hodź. serbska Boža mša. Na nju su wšitcy či přeprošeni, kotřiž so dopođnja na kemšach wobdźelić njemóža.

Běh wo pokal zbóžneho Alojsa

Składnostnje lětušich 75. posmjertnych narodnin zbóžneho kapłana Alojsa Andrickeho su sportowcy wšěch starobnych skupin wot šěsć lět na běh wo pokal k jeho česći sobotu, 23. junija, do Radworja přeprošeni. Započatk na nawsy je za běharjow staroby wot 6 do 15 lět w 9.30 hodź., za tamnych w 10.30 hodź. Běhać budže so po starobje rozdźelnje na čarach po 500, 1.000, 1.500 a 6.000 metrach. Přeprošeni su jednotliwcy runje tak kaž cyłki, na přikład šule, wosadne kružki, sportowe jednotki a wjesne kluby. Na běh wo pokal zbóžneho Alojsa přeprošuja Towarstwo Cyrila a Metoda z.t. (TCM), Sportowa jednotka 1922 Radwor, wjesna skupina strony CDU, Radworska gmejna a Radworski młodžinski klub. Zajimcy měli so hač do pjatka, 15. junija, za běh přizjewić, po móžnosći z mailku na Katolski@Posol.de abo telefonisce w redakciji Katolskeho Posoła pod čisłom (0 35 91) 55 02 12. Jědź a napoje budu so tam poskićeć. Čary powjedu po asfaltowym runje tak kaž po pólnym a lěsnym puću.

Wulět samostejacych

Wulět samostejacych ze serbskich wosadow budže štwórtk, 21. junija, a powjedže na hnadowne městno Krzeszów w Pólskej. Zajimcy njech so hač do póndzele, 11. junija, w redakciji Katolskeho Posoła přizjewja, telefonowe čisło (0 35 91) 55 02 12. Časy wotjězda busa z jednotliwych wsow so njedźelu do wulěta w Posole wozjewja.

Nalětni koncert w klóšterskej zahrodźe

Wšitkich zajimcow zbliska a zдалoka přeprošuje chór Lipa zhromadnje z Křescansko-socialnym kubłanskim skutkom na nalětni koncert, kotryž budže njedźelu, 27. meje, w 15.30 hodź. na zahrodźe Zežiwjenskeho a zeloweho centruma w klóštrje Marijinej hwězdze w Pančicach-Kukowje. Program wuhotuja Lipjenjo z chórom Delnjoserbskeho dźěćaceho a młodžinskeho ansambla z.t. Wot 15.00 hodź. poskića tam kofej a tykanc.

Kapałnicy w Budyšinje

Drježdžanscy kapałnicy wuhotuja njedźelu, 3. junija, w 15.30 hodź. w Budyskej tachantskej cyrkwi koncert duchowneje hudźby. Na piščelach zahraje cyrkwinski hudźbny direktor Friedemann Böhme. Zastup je darmotny, při cyrkwinych durjach pak budže kolekta.

Duchowny koncert

Chór 1. serbskeje kulturneje brigady z.t. přeprošuje lubowarjow duchowneje hudźby na swój koncert sobotu, 9. junija, w 15 hodź. do barokneje cyrkweje w českich Hejnichach, a njedźelu, 10. junija, w 16 hodź. do putniskeje cyrkweje w Róžeńće. Zaklinča twórby Brucknera, Kocora, Nagela, Pilka a dalších komponistow.